



Ovaj projekat finansira Evropska unija

ROMA ACTION



Publikaciju izdaje Hilfswerk Austria International

Izdanje br. 2


Projekat Roma Action (RA) uspješno je završen

Nakon uspješne implementacije projekta, sve aktivnosti predviđene ugovorom između EU (IPA 2013) i HWA u partnerstvu sa organizacijama ASB i Kali Sara-RIC, su završene. Projektom je obezbijedena socijalna uključenost za 140 porodica Roma u devet općina/gradova i Brčko Distriktu BiH: gradovi Tuzla, Zenica i Bijeljina, općine Gračanica, Zavidovići, Kakanj, Banovići i Modriča, i Brčko Distrikt BiH.

Integrirani pristup rješavanju socijalne uključenosti Roma, koji obuhvata stambeno zbrinjavanje, obnovu/izgradnju infrastrukture, mjere ekonomske održivosti i podizanje svijesti o pravima, uz učešće svih relevantnih vladinih i nevladinih organizacija, pokazao se kao najbolji i primjenjiv na sve buduće projekte.

Roma Action

2015 - 2018



Ceremonija primopredaje zgrade sa 18 stambenih jedinica korisnicima u Brčkom n.j.e. Ambasador Lars-Gunnar Wigemark - šef Delegacije EU u BiH, Siniša Milić - Gradonačelnik Brčko distrikta BiH i Stefan Fritz - Direktor Hilfswerk Austria International

Partneri na projektu:



ROMA ACTION 2015 - 2018

Projekat koji je pružio podršku ugroženim romskim porodicama u područjima pogođenim poplavama putem obezbjeđenja stambenih jedinica i socio-ekonomskih mjera finansirala je Evropska unija u iznosu od 2.5 miliona eura, a kofinansirale su ga lokalne vlasti u iznosu od 640.000 KM. U okviru projekta je sagrađeno ili obnovljeno 140 stambenih jedinica za romske porodice u 9 ciljanih općina u BiH. Izgrađeno je 68 stambenih jedinica po modelu socijalnog stanovanja, a rekonstruisane su ukupno 72 stambene jedinice. Projekat je implementirao Hilfswerk Austria International, u partnerstvu sa Arbeiter-Samariter-Bund Deutschland e.V (ASB) i udruženjem Kali Sara – RIC.

Lokalne administrativne uprave u svim ciljanim lokacijama su pored sufinansiranja aktivno učestvovalе u implementaciji projekta, i obezbijedile su zemljište za izgradnju, potrebne dozvole i priključke na infrastrukturu.



Gračanica - dvije zgrade sa 12 stanova



Brčko - zgrada sa 18 stanova



Partneri na projektu:



O projektu i podršci romskoj populaciji govore...

Ambasador **Lars-Gunnar Wigemark**, šef Delegacije EU za BiH i specijalni predstavnik EU u BiH:

Objekti izgrađeni kroz Roma Action projekat dio su mnogo većeg Programa, koji uključuje lokalne zajednice širom BiH. Izgradnja kuća za romske porodice, baš kao i za bilo koju drugu porodicu, temelj je integrisanja u društvo. Ako nemate kuću, ne možete osigurati školovanje za svoju djecu, teško je održavati posao, i teško se možete integrisati u društvo i postati pravi građanin koji doprinosi društvu. Za potpunu integraciju Romske populacije u društvo, potrebno je obratiti pažnju i druge aspekte, poput obrazovanja, zapošljavanja i zdravstva.

Stefan Fritz, Direktor Hilfswerk Austria International (HWA):

Poželio bih sve najbolje korisnicima u njihovim novim stanovima. HWA aktivno učestvuje u podršci socijalnog uključenja romskih porodica putem izgradnje ili obnove stambenih jedinica i ekonomskog osnaživanja i nastaviti ćemo slične aktivnosti u BiH. Pozivam međunarodne donatore i lokalne vlasti da istraju na ovoj vrsti podrške i nastave investirati u socio-ekonomsku integraciju i bolju budućnost socijalno ugrožene populacije.

Suzana Jašarević, Direktorica Hilfswerk Austria International za BiH:

Zahvaljujući sredstvima EU i lokalnom sufinansiranju 140 romskih porodica u 9 zajednica u BiH znatno je poboljšalo svoje živote. Ključni koraci su napravljeni, od ranijeg beskućništva do sadašnjeg podstanarstva u moderanom stanu po sistemu socijalnog stanovanja, što je odlična polazna tačka za pristojno inkluzivno socijalno življenje.



Kakanj – prije RA projekata

ROMA ACTION projekat je u općini Kakanj, naselje Varda, implementiran u dvije faze u okviru kojih su izgrađene dvije zgrade sa ukupno 16 stambenih jedinica. Prije intervencije romske porodice su živjele u izuzetno teškim uslovima, u trošnim i neuslovim barakama, koji su štetno uticali na njihovo zdravlje.

Kroz projekat RA 16 romskih porodica u Kakanju je dobilo na korištenje kvalitetno izgrađene moderne stambene jedinice, kao i osnovne kućanske aparate.



Kakanj – nakon RA projekata



Partneri na projektu:



Akcionni plan Bosne i Hercegovine za rješavanje problema Roma u oblastima zapošljavanja, stambenog zbrinjavanja i zdravstvene zaštite 2017. – 2020. je usvojen

Na temelju kompleksnih aktivnosti (tematske radne grupe sa MLJPI BiH, radionice, tematski okrugli stolovi) i analiza koje je provelo ili koordiniralo partnersko udruženje Kali Sara-RIC u okviru projekta, Vijeće ministara BiH donijelo je u julu 2017. godine Odluku o usvajanju Akcionnog plana Bosne i Hercegovine za rješavanje problema Roma u oblastima zapošljavanja, stambenog zbrinjavanja i zdravstvene zaštite 2017. – 2020. godine, ukupne vrijednosti oko 24,2 miliona KM.

Cilj Akcionnog plana je poboljšati institucionalne kapacitete za pitanja Roma, unaprijediti zapošljavanje i samozapošljavanje Roma, poboljšati uvjete stanovanja romske populacije, te unaprijediti dostupnost i kvalitet njihove zdravstvene zaštite.

Mjere socio-ekonomske održivosti

Pored stambenog zbrinjavanja HWA je posvetila posebnu pažnju individualnim mjerama socio-ekonomske održivosti za korisnike projekta tako da je na osnovu potreba i mogućnosti dodijeljeno ukupno 104 granta, što uključuje poljoprivredne mašine, alate za pokretanje malog biznisa, kao i osnovne kućanske aparate.



Ostvareni rezultati

140 romskih porodica u 9 odabranih lokacija uselilo je u obnovljene i novoizgrađene stambene jedinice, čime su im značajno poboljšani uslovi života i socio-ekonomska inkluzija u projektnim lokacijama pogođenim poplavama.

Poboljšana ekonomska održivost za 104 romske porodice osiguravanjem mjera potrebnih za oporavak nakon poplava. Povećana svijest o jednakim mogućnostima socijalne integracije putem upisa u građanske registre, obrazovanje djece, mladih i ciljanih romskih porodica putem interaktivnih radionica.

Pružena podrška za tematske radne grupe na državnom nivou u 4 sektora vezana za Rome u cilju sačinjavanja prijedloga za rješavanje aktuelnih problema Roma u BiH kroz Akcionni plan 2017. – 2020, koji je konačno i usvojen od strane Vijeća Ministara BiH.

Završetkom obje faze projekta Roma Action, obezbijeđeno je socijalno uključnje za 289 romskih porodica, izgrađeno 18 zgrada sa 135 stanova po modelu socijalnog stanovanja, obnovljene 154 stambene jedinice, dodijeljeno 250 paketa hitne pomoći tokom poplava i 116 grantova u okviru mjera održivosti, obnovljena ili izgrađena infrastruktura vezana za lokacije stambenih jedinica. Projekat je direktno uticao na poboljšanje životnih uslova za više od 2.300 osoba.



Ova publikacija je urađena uz pomoć Evropske unije. Sadržaj ove publikacije je isključiva odgovornost Hilfswerk Austria International i ni u kom slučaju ne predstavlja stanovišta Evropske unije.

